

新刻石室先生丹淵集
(二)



新刻石室先生丹淵集卷第十五



宋尚書司封員外郎充秘閣校理新知湖
事兼管內勸農事工輕車都尉文同等



詩六十三首

將赴洋州書水谷舊隱

晚客無一來獨步入水谷園林已成就此景頗不俗
落落巖畔松脩脩澗遶竹爽氣逼襟袖清如新出浴
寒泉激亂石磊磊漱瓊玉荒溪漬餘潤蒲地苔蘚綠
珍禽靜相倚毛羽華且絳高下相和鳴不去若馴伏
幽花雜紅紫點滴亂盈目坐久微風來時聞散餘馥

往年讀書處宛爾舊茅屋雖然小破壞脩整可數木
開門拂軒窗無限起蝙蝠縱橫列蟲網不免自掃撲
壁間細書字多是親寫錄當時苦謀身如此用意毒
于今三十年才抵羊髀熟一從入仕路行步每蹉跎
所畏惟簡書其甘者藜藿中間何大幸致身在天祿
無狀陪俊游俛首常自慙連章乞外補得郡悉鄉曲
雖名二千石敢自諱碌碌朝廷設新法布作天下福
或慮多垢玩訓戒稍嚴肅刺史當是時能不為驅督
行之以中道勉副議者欲刺薄素所憎忍復用刑獄
進身豈不願實懼有陰戮昨從漢中歸於此度炎燠

親朋日相會分義愈敦篤便欲從之游投簪解朝服
退自數年計伏臘殊未足還當武康去就養若雞鶩
貧雖士之常於我何迫覺簞瓢若自具尚可繼前躅
奈何食口衆不比回也獨東方千餘騎導從催我速
行復登長途貌展心甚縮淵明豈俗士幸此有松菊

崔覲詩大巾時人

崔覲者高士梁州城固人讀書不求官但與耕稼親
夫覲既已老左右無子孫一日召奴婢盡以田宅均
俾之各為業不用來相聞遂去隱南山雜跡麋鹿群
約曰或過汝所給爲我陳有時攜其妻來至諸人門

乃與具酒食嘯詠相歡飲山南鄭餘慶辟之為參軍
見趣使就職漫不知吏文已復許謝事但謂長者云
補闕王直方本覲之比鄰文宗時上書召見蒙咨詢
薦覲有高行用可追至淳詔授起居郎哀斜走蒲輪
辭疾不肯至高風槩秋旻我昨過其縣裴回想芳塵
訪問諸故老寂無祠與墳斯人久不競薄夫何由敦
此縣漢唐時諸公揚清芬刺詩子堅廟來者期不泯

寄題閬州閑元寺澤師竹軒

澤師種竹三十年竹成滿院生綠煙蒼龍子孫太繁
盛分領眷屬來渭川藏風番雨蔭殿壁不敢輒近寒

森然香飛常入佛座上葉落不到經窻前
芟除掃掠淨如洗欄外不許行
狂鞭澤師瘦健如老鶴壞衲幾尺披
左肩手持數珠讀梵夾狀貌兀若堞與鐫
朝旋暮繞在其下不肯出院求齋錢
古人亦有愛竹者豈得似師心意專
我亦平生苦如此
蕙解略把筆墨傳逢師正謂同所好
但恨尚有區中緣何時相對月明下
坐徹清影談幽禪

寄題密州蘇學士快哉亭太史云此城之西
壯送客處也

出城送客客未來主人到此先徘徊
地臨濰水極清

曠每爲送客雙眼開客來既坐歌管作紅袖勸酒無
停盃主人自醒客已醉門外落日驪駒催揖客上馬
退岸幘未忍便擁千騎回滿襟高興屬軒檻野闊風
長真快哉

獨遊

孤亭入陰森竹逕北松塢高林動清吹猶滴前夕雨
解衣此危坐左右一不許性本不柰雜况復茲寡侶
孤懷託寥曠世慮絕參伍幽花爲誰笑獨鳥只自語
身閑得天全一息了萬古忽往而忽來其誰知踽踽

夏日湖亭試筆

亭臺清涼水竹淨愛此來避蚊與蠅蓮花窺人類楚
女野鳥彈舌如胡僧旋來開卷坐松蔭却把釣竿沿
石稜二年何幸爾足樂慙報上恩無所能

楊山人草堂

九隴山人文父後心閑身健兩誰如玉函經外傳奇
訣盡戟門前創隱居入鼎靈丹黃似橘隔壙凡境臭
如帑何時再到高枏下倚偏清陰聽道書

詠鳧

雙雙紋羽弄清漪全得天真似爾稀萬頃滄波供口
腹一梁寒日曬毛衣雨歸別島嘔唳語風度前灘翕

呬飛好向中流最深處等閑休要上漁磯

弄珠亭春望

岸柳舞毵毵春醴物象酣煙雲分極浦舟楫聚回潭
上水魚千萬眠沙鴈兩三遙懷無可柰長是寄城南

新晴望北山

西風吹北山晚日灑新雨嵐光發巖岫草木紛可數
翠壁倚萬丈白雲橫一縷待訪餐霞人斯游歆誰與

城南江館

漢江之北涯軒宇頗高爽西南正空闊時此託遐想
誰家有竹石更可悅新賞待學袁愍孫來興歆直往

屬疾梧軒

高梧覆新葉滿院
發華滋白日一何永清陰閑自移
暖蟲垂到地晴鳥
語多時病肘倚枯几泊然忘所思

北園避熱

繚繞度回塘紆餘
轉短牆引筇聊散誕入竹得清涼
正午禽虫淨初晴
果木香移床就高處更欲解衣裳

施公潭

盤巖復轉溪磴道
入雲微斷巘雙壁立垂泉一劍飛
浮空交彩翠潏遠
亂珠璣啼穴飢聽出翹灘宿鷺歸
寒窻清徹骨晚氣
潤沾衣東谷牛羊下搖鞭去夕暉

罷郡

自問爾何事端然信方策本是鉏犁人強為簪組客
何嘗補萬分徒自勞七尺還如裴昭明罷郡歸無宅
送文鑄師游襄陽鹿門

師今鹿門去正此冒炎曦野店乞晨饌亂山吟古詩
問程行幾日覽景立多時我有懷賢意憑看墮淚碑
夏日南園

陰陰喬木下翠影若雲浮滿地紫桑椹數枝黃栗留
迎風湖上去避日竹間遊定作今宵雨繞牆啼曉鳩
井樓晚晴望秦嶺

秦嶺巉巖列萬峰
晚嵐渾欲滴晴空
如何學得崔重
易吟嘯終南明月中

柳枝

墻宇周回院落深
日光風色淨陰陰
柔條一似孫荆
玉帖地反腰銜寶簪

送王存之

野水水生薄似綿
短亭梅發大於錢
想君歸到江陽
日欲話今時已去年

放言

裨海之外既爾知
自問何苦安喧卑
胡不往見蒙轂

士看卷龜殼食合蜩

寄褒城宰

灩灩清波瀉石門茂林高巘夾煙昏何當畫舫載明

月共醉江心白玉盆

物五斗詩瀾滿可愛故云江中有大白石穴殼然如盆可撼

贈竹

簣簣谷

我昔初來見爾時禿稍欒葉病襴襪遮根護筍今成
立好在清風十萬枝

竹答

我實仙陂百世孫二年生長感君恩近聞官滿將歸
去更望臨時莫洗園

嚴筠裏園欄淨影碧如水誰識愛君心過橋先到此
湖上衆禽盡以俗呼為題五首

淘河

群魚見新晴萬鬣戲清泚忽爾下淘河驚回入水底
連點七

翩翩彼珍禽金羽耀寒日飛落灘上水對人連點七
拖白練

盤石坐深林不欲人求見隔岸誰品絃數聲拖白練
泥滑滑

春日正晴明滿園花盛發勸爾竹木雞莫啼泥滑滑

提葫蘆

老閑已堪摘酒熟正好沽山禽會人意勸我提葫蘆

詠蓮

全紅開似鏡半綠卷如盃誰為回風力清香滿面來

題友人書齋新壁

彩塹縱橫設雕厨次第開須防何法盛直入此中來

張淨琬

飄騎極豪侈後房多艷姬可憐張淨琬不識半酣時

待雪

向晚歌雪天氣陰木葉亂飛雜歸禽城頭徙倚待飄

守居園池雜題三十首

湖橋

飛橋架橫湖，偃若長虹臥。自問一日中，注來凡幾過。

橫湖

長湖直東西，漾漾承守寢。一望見荷，蒼天機織雲錦。

書軒

清泉繞庭除，綠篠映軒檻。坐此何可為，惟宜弄鉛槧。

冰池

日暮池已冰，翩翩下鳬鷺。不怕池中寒，便於冰上宿。

竹塢

文石間蒼苔相引入深塢莫撼青琅

玕無時露如雨

嵩嶺軒

朝陽媚秋漪嵩嶺隔深竹誰開翠錦

障無限點銀燭

茶蘼洞

柔條綴繁英擁朶若深洞是處欲清

香憑風為持送

篴簫谷

千輿翠羽蓋萬綺綠沈槍定有葛陂

種不知何處藏

金橙徑

金橙實佳果不為土人重上莞聞木

多誰能為移種

荻浦